

詞

綜

詞 綜

(清)朱彝尊 汪 森輯

*

中 華 書 局 出 版

(北京王府井大街 36 號)

新華書店北京發行所發行

陝西人民印刷厂印刷

*

787×1092 毫米 1/16·22¹/₄ 印張

1975 年 10 月第 1 版 1975 年 10 月西安第 1 次印刷

統一書號: 10018·396 定價: 1.75 元

出版說明

《詞綜》是清初朱彝尊編的一部詞選。

朱彝尊（公元一六二九至一七〇九年），字錫鬯，號竹垞，浙江秀水人。康熙中舉博學鴻詞科，授檢討。曾參預修明史，對詩詞創作也有一定造詣。

這部詞選是朱氏從《花間集》等十餘部詞選，《百川學海》等十多種類書和野史，以及各家別集中去取編選而成的。經八年的努力，收集了二十六卷。他的同鄉和好友汪森又增補了四卷，並寫了序言，于康熙十七年（公元一六七八年）成書三十卷，收元以前五百餘家作品一千九百餘首。後來汪森等又增補了六卷。並挖改了前三十卷的一些錯字，補入了一些遺漏的字，有的地方換了整首的詞。原書卷二十二、二十三未定稿部分補入了幾家作品。可是他們的工作也存在一些缺點；卷三十一補入了原書已收的王十朋《點絳脣》一首，發現後未刪補遺部分，反將原書卷十一目錄挖去『王十朋一首』五字。卷三十《天淨沙》三首原作『無名氏』，正文被改作『馬致遠』，而目錄未動。其實這個問題一向是兩說並存的。他們又將同一格式而名稱不同的詞牌作了統一，致使正文與《發凡》不一致。

爲了供讀者用馬列主義、毛澤東思想批判繼承文學遺產，我們將經過汪森等增補修訂的最早的本子——康熙三十年（公元一六九一年）裘杼樓刊本加以斷句，影印出版。

中華書局編輯部

一九七五年五月

序

自有詩而長短句卽寓焉。南風之操五子之歌是已。周之頌三十一篇。長短句居十八。漢郊祀歌十九篇。長短句居其五。至短簫鐃

詞綜序

歌十八篇。篇皆長短句。謂非詞之源乎。迄于六代。江南採蓮諸曲。去倚聲不遠。其不卽變爲詞者。四聲猶未諧暢也。自古詩變爲近體。而五七言絕句傳于伶

官樂部。長短句無所依。則不得不更爲詞。當開元盛日。王之渙高適王昌齡詩句。流播旗亭。而李白菩薩蠻等詞亦被之歌曲。古詩之於樂府。近體之於詞。分

詞綜序

鑣並騁。非有先後。謂詩降爲詞。以詞爲詩之餘。殆非通論矣。西蜀南唐而後。作者日盛。宣和君臣轉相矜尚。曲調愈多。流派因之亦別。短長互見。言情者或失

之俚。使事者或失之伉。鄱陽姜夔出。句琢字鍊。歸於醇雅。於是史達祖高觀國羽翼之。張輯吳文英師之於前。趙以夫蔣捷周密陳允衡王沂孫張炎張翥效之於後。譬之於樂。舞筩至於九變。而詞之能事畢矣。世之論詞者。惟草堂是規。白石梅溪諸家。或未闕其集。輒高自矜詡。予嘗病焉。顧未有以奪之也。友人朱

詞綜序

三

子錫鬯輯有唐以來迄於元人所爲詞。凡一十八卷。目曰詞綜。訪予梧桐鄉。予覽而有契於心。請雕刻以行。朱子曰。未也。宋元詞集傳於今者。計不下二百家。吾之所見。僅及其半而已。子其博搜以輔吾不足。然後可。予曰。唯唯。錫鬯仍北遊京師。南至於白下。逾三年歸。廣爲二十六卷。予亦往來茗雪間。從故藏書家

詞綜序

四

抄白諸集。相對叅論。復益以四卷。凡三十卷。計覽觀宋元詞集一百七十家。傳記小說地志共三百餘家。歷歲八稔。然後成書。庶幾可一洗草堂之陋。而倚聲

詞綜序


五

者。知所宗矣。若其論世而敘次詞人爵里。勘讐同異。而辨其譌。則柯子寓匏周子青士力也。

皆

康熙戊午嘉平之朔。休陽

汪森書于裘杼樓。



詞綜序

六

詞綜後序

往歲壬子。錫鬯偕青士過余。商榷詞選。稍引其端而未究其緒。既而青士去。館桐川。余與錫鬯奔走四方。碌碌無寧晷。越七年所。汪子晉賢增定詞綜告竣。復寓書于余。相叅詮次之。故余惟詞學在廢興間者數百年。良以表章無人。整齊莫自。故散而無統。邇者海內風氣攸開。從事者衆。茲編蒐羅既廣。潛隱靡遺。其亦可以豁詞林之耳目。使不蔽於近矣。然所患向來選本。或以調分。或以時類。往往雜亂無稽。凡名姓里居爵仕。彼此錯見。後先之序。幾於倒置。况重以相沿日久。以譌繼譌。于茲之

詞綜後序

一

選。可無詳訂以救其失。如李珣之作李詞。鹿虔展之作扈虔展。王觀之作王冠。此姓氏之當別者也。李白蜀人一云山東人。歐陽炯中書舍人。一云大學士。此里與爵之當攷者也。徐昌圖末殿中丞。而或列之唐。仇遠元儒學教授。而或列之宋。此世次之當審者也。又若同一張先也。而一爲博州人。一爲吳興人。同一孫氏也。而一爲黃鉢母。一爲鄭文妻。此當析其人之同者也。白玉蟾之卽葛長庚。顧瑛之卽顧德輝。此當釐其號之異者也。至如蘇庠養直爲蘇堅伯固子。而云蘇庠字伯固。朱敦儒字希真。朱秋娘亦名希真。而遂以敦儒樵歌爲秋娘所

作。此當辨其舛誤之最甚者也。種種混淆。未克枚舉。今爲博證史傳。旁考稗乘。參以郡邑載誌諸家文集。彙而訂之姓氏之下。著其地爵仕之前序。其世贈謚稱號撰述。繫之爵仕之後。無所依據者姑闕之。由是先後之次可得而稽。詞人之本未可得而尚論也。間欲窺其寄託致其抑揚。求如元遺山之中州集。錢虞山之列朝詩選序例。實慚謏陋。有所未遑。若夫溯詞旨之源流。採之精而取之粹。晉賢氏固已論列甚詳。余又何贅焉。嘉善柯崇樸。

詞綜後序

二



補遺後序

詞綜之刻。成於戊午。會錫鬯以應薦入都官翰林。嗣不省故集。繼典試江南事竣。會予與青士於故里。論及前刻。挂漏尚多。欲謀爲定本。而幸難刊改。思補輯以成完書。未幾北去。間遺一二鈔本。前此所未經見者。然約而未廣。不足以成卷。辛酉春。青士偕山子過舍。相與燕坐草堂。出其遠近所搜輯并錫鬯所遺。復從故集緝閱。彙爲兩卷。得詞若干首。猶未備也。久之各以事罷去。其後從吳門藏書家得梅苑翰墨全書。鐵網珊瑚。及宋元小集二十餘種。青士又從魏塘柯南陔携草窓所輯絕妙

詞綜補遺後序

好辭。偕山子相爲討論。目視手鈔。日無寧晷。而郡城曹子民表亦時有緘寄。佐所不逮。共補人百二十有二。補詞三百六十餘首。哀然可觀矣。乃青士旅食京華二載。幾歸里門。而又客死徐塘。山子則繼去北游。余復哭伯兄於嶺表。風流雲散。悲何可言。夫邊馬依北風以嘶。越鳥望南枝而逝。古人所以興感於離別也。矧百年有盡之身。爲升沉。爲聚散。日月如駛。其中之笑言晨夕。曾幾何時。而顧可長恃乎哉。辛未秋。殘暑未退。山子過予別業。消散於梧風桂月間。留兩月而去。冬初重過。將送予還新安。遽捐館舍。老友凋零。爲之傷悼不已。爰亟詮次

其先後。凡六卷。以附於初刻之末。并誌其歲月。以道其感慨云。休寧汪森書。



詞綜補遺後序

詞綜發凡

朱彞尊纂

唐宋以來作者。長短句每別爲一編。不入集中。以是散佚最易。常熟吳氏訥彙有宋元百家詞。抄傳絕少。未見全書。近日毛氏晉刻有汲古閣六十家宋詞。頗有裨于學者。是編所錄。半屬抄本。白門則借之周上舍雪客黃徵士俞邵。京師則借之宋員外牧仲成進士客若。吳下則借之徐太史健菴。里門則借之曹侍郎秋岳。餘則汪子晉賢購諸吳興藏書家。互爲叅定。其已經選輯者。南唐二主詞集一卷。馮延巳陽春錄一卷。潘閬逍遙詞一卷。林逋和靖先生集詞。晏殊珠玉

詞綜發凡

詞一卷。歐陽修六一居士詞三卷。王安石半山老人詞一卷。晏幾道小山詞二卷。張先子野詞一卷。柳永樂章集九卷。蘇軾東坡居士詞二卷。黃庭堅琴趣外篇二卷。秦觀淮海詞三卷。晁補之詞一卷。陳師道後山長短句二卷。李之儀姑溪集詞二卷。賀鑄東山寓聲樂府三卷。毛滂東堂詞二卷。杜安世詞一卷。黃裳演山集詞二卷。葛勝仲丹陽詞一卷。周紫芝竹坡居士樂府三卷。謝逸溪堂詞一卷。謝過竹友詞一卷。葛郊信齋詞一卷。廖行之省齋詩餘。周邦彥清真集三卷。晁端禮閑齋琴趣外篇一卷。徐仲青山樂府一卷。

呂渭老詞一卷。徐積節孝集附詞。陳瓘了齋詞一卷。

王安中初寮集詞一卷。向子諲酒邊集四卷。蔡伸友

古詞一卷。王庭珪盧溪詞二卷。葉夢得石林詞一卷。

王之道相山居士詞二卷。向鎬樂齋詞二卷。沈瀛竹

齋詞一卷。劉弇雲龍集詞一卷。汪藻浮溪文粹附詞。

趙師俠坦菴長短句一卷。陳與義無住詞一卷。劉一

止茗溪詞一卷。趙長卿惜香樂府十卷。王灼願堂詞

一卷。張綱華陽老人長短句。岳飛金陀粹編家集附

詞。張元幹蘆川詞一卷。鄧肅栢欄集詞一卷。劉子翬

屏山集附詞。張掄蓮社詞一卷。朱敦儒樵歌三卷。曾

詞綜發凡

覲海野詞一卷。楊無咎逃禪詞三卷。侯真嬾窟詞一

卷。曾惇詞一卷。朱雍梅詞一卷。辛棄疾稼軒樂府十

二卷。范成大石湖詞一卷。黃公度知稼翁詞一卷。葛

立方歸愚詞一卷。張孝祥于湖詞一卷。程垓書舟雅

詞二卷。韓元吉焦尾集詞一卷。周必大近體樂府一

卷。倪偁綺川詞一卷。姚述堯蕭臺公餘詞一卷。京鎰

松坡居士樂府一卷。朱熹晦庵詞一卷。洪适盤洲集

詞二卷。吳儆竹洲詞一卷。楊萬里誠齋樂府一卷。李

處全晦庵詞一卷。丘密文定公詞一卷。羅願鄂州小

集附詞。劉克莊後村別調一卷。趙彥端介庵詞四卷。

管鑑養拙堂詞一卷。張鎡玉照堂詞一卷。劉擬招山集樂章。程泌銘水集詞一卷。王千秋審齋詞一卷。姜夔白石詞一卷。陸游渭南集詞二卷。陳亮龍川集詞二卷。劉過龍洲詞一卷。楊炎西樵語業一卷。張輯東澤綺語債一卷。謝懋靜寄居士樂章二卷。黃機竹齋詩餘一卷。劉鎮隨如百詠。吳禮之順受老人詞五卷。許棐梅屋詩餘一卷。戴復古石屏詞一卷。毛幵樵隱詞一卷。洪咨夔平齋詞一卷。郭應祥笑笑詞一卷。盧祖臯蒲江詞一卷。高觀國竹屋癡語一卷。史達祖梅溪詞二卷。汪莘方壺存稿詞二卷。吳潛履齋詩餘三

詞綜發凡

三

卷。李昂英文溪詞一卷。趙以夫虛齋樂府二卷。陳經國龜峰詞一卷。方岳秋厓先生小稿詞四卷。張榘芸窓詞一卷。洪璚空同詞一卷。方千里和清真詞一卷。楊澤民續和清真詞一卷。盧炳烘堂詞一卷。沈端節克齋詞一卷。黃昇散花庵詞一卷。嚴羽滄浪集附詞。王以寧詞一卷。吳文英夢隱甲乙丙丁稿四卷。蔣捷竹山詞一卷。陳允平日湖漁唱二卷。周密草窗詞二卷。王沂孫碧山樂府二卷。張炎玉田詞二卷。石孝友金谷遺音一卷。林正大風雅遺音四卷。張矩梅淵詞。陳德武白雪遺音一卷。文天祥文山集詞一卷。王鼎

翁遺集附詞。何夢桂潛齋詞一卷。惠洪石門文字禪附詞。葛長庚海瑤詞二卷。李清照漱玉集一卷。朱淑真斷腸集一卷。韓玉東浦詞一卷。段克已遜齋樂府一卷。段成已菊軒樂府一卷。元好問遺山樂府二卷。許衡魯齋集附詞。程鉅夫雪樓集詞一卷。王惲秋澗集詞四卷。趙孟頫松雪詞一卷。劉因樵庵詞一卷。汪宗臣紫岩集附詞。吳澄草廬詞一卷。虞集道園學古錄詞一卷。宋聚燕石集詞一卷。劉詵桂隱集附詞。曹伯啓漢泉漫稿詞一卷。許有壬圭塘小藁詞一卷。薩都刺雁門集詞一卷。張翥蛻岩詞二卷。袁易靜春詞

詞綜發凡

四

一卷。沈禧竹窓詞一卷。洪希文續軒渠集詞一卷。張可久小山樂府二卷。喬吉惺惺老人樂府一卷。張楚古山樂府一卷。倪瓚清閨閣詞一卷。顧瑛玉山璞附詞。陶宗儀南村集附詞。邵亨貞蛾術詞選四卷。凌雲翰柘溪集詞一卷。王行半軒集詞一卷。張雨貞居詞一卷。凡百六十餘家。雖已覽觀未入選者。楊杰無爲集。徐經孫文惠集。徐鹿卿清正集。魏了翁鶴山詞。王義山稼軒類稿。又順齋樂府。虛靖真君詞。洞玄珠玉集凡八家。

藏書家編目錄。詞集多不見收。惟莆田陳氏書錄解題。

論其大畧。郡陽馬氏采入通考志中。所載晁冲之具次集。王觀冠柳集。趙令時聊復集。蘇庠後湖集。万俟雅言大聲集。陳克赤城詞。康與之順菴樂府。趙鼎得全居士集。劉光祖鶴林詞。左譽筠菴長短句。姚寬西溪居士樂府。蘇泂泠然閣集。嚴仁清江款乃詞。孫惟信花翁詞。魏子敬詞。王武子詞。李洪兄弟花萼集。吳激東山集。蔡松年蕭閑公集。舊本散失未經寓目。或詩集雖在而詞則闕如。僅於選本中錄其一二。至于汪元量水雲詞。蔡桷浩歌集。黃人傑可軒曲林。黃定鳳城詞。曹冠燕喜集。馬寧祖退圃詞。吳鉉敬齋詞。袁

詞綜發凡

五

去華詞。侯延慶退齋詞。黃談澗壑詞。林淳定齋詩餘。鄧元漫堂集。王大受近情集。張孝忠野適堂詞。劉德秀默軒詞。鍾將之岫雲詞。徐得之西園鼓吹。李叔猷東老詞。方信儒好菴游戲。陳從古洮湖詞。韓子耕蕭閒詞。隻字未見。此外軼者尚多。海內收藏之家。或有存本。倘許借觀。願仿曾氏雅詞之例。別為拾遺。附于卷末。

世人言詞。必稱北宋。然詞至南宋始極其工。至宋季而始極其變。姜堯章氏最爲傑出。惜乎白石樂府五卷。今僅存二十餘闕也。東澤綺語傳亦寥寥。至施乘之

孫季蕃盛以詞鳴。沈伯時樂府指迷亦爲矜譽。今求其集。不可復覩。周公謹陳君衡王聖與集雖抄傳公謹賦西湖十景。當日屬和者甚衆。而今集無之。花草粹編載有君衡二詞。陸輔之詞旨載有聖與霜天曉角等調中語。均今集所無。至張叔夏詞集。晉賢所購合之牧仲員外雪客上舍所抄。暨常熟吳氏百家詞本。較對無異。以爲完書。頃吳門錢進士宮聲相遇都亭。謂家有藏本。乃陶南村手書。多至三百闕。則予所見。猶未及半。漏萬之譏。殆不免矣。

詞綜發凡

六

古詞選本。若家宴集。謫仙集。蘭畹集。復雅歌辭。類分樂章。羣公詩餘後編。五十大曲。萬曲類編。及草牕周氏選。皆軼不傳。獨草堂詩餘所收最下。最傳。三百年來。學者守爲免園冊。無惑乎詞之不振也。是集兼采趙弘基花間集。黃昇花庵絕妙詞。中興以來絕妙詞。陳景沂全芳備祖樂府。元好問中州樂府。彭致中鳴鶴餘音。鳳林書院元詞樂府補題。許有孚圭塘款乃集。顧梧芳尊前集。楊慎詞林萬選。陳耀文花草粹編。沈際飛草堂詩餘廣集。茅映詞的。卓人月詞統諸書。務去陳言。歸于正始。至如曾慥樂府雅詞。天機餘錦。采入花草粹編。趙粹夫陽春白雪集。見李開先小山樂

府後序。則諸書嘉隆間猶未散軼。而天機碎錦片玉珠璣二集。聞江都藏書家有之。又如百一選曲。太平樂府。詩酒餘音。仙音妙選。樂府新聲。樂府羣珠。樂府羣玉。曲海之內。定有詞章可采。惜俱未之見也。

向客太原。見晉祠石刻。多北宋人唱和詞。而平遙縣治西古寺廡下。有金人所作小令。勒石嵌壁。令工人搨回。經十餘年。簡之故簾。則已爲鼠嚙盡。是集成。未克採入。深以爲恨。計海內名山。苔龕石壁。宋元人留題長短句尚多。好事君子。惠我片楮。無異雙金也。

詞有當時盛傳。久而翻逸者。遺珠片玉。往往見于裨官

詞綜發凡

七

載紀。是編自百川學海。古今小說。唐宋叢書。曾氏類說。吳氏能改齋漫錄。阮氏詩話總龜。胡氏茗溪漁隱叢話。陶氏說郛。商氏裨海。陸氏說海。陳氏秘笈外。繡閣小說。又不下數十家。片詞足采。輒事筆疏。故多他選未見之作。庶幾一開生面。佐予討論。編纂者汪子而外。則安丘曹舍人升六。無錫嚴徵士蓀友。江都汪舍人季丹。宜興陳徵士其年。華亭錢舍人葆畚。吳江俞處士無殊。休寧汪上舍周士季青。錢塘龔主事天石。同郡俞處士右吉。沈上舍融谷。繆處士天白。沈布衣覃九。葉舍人元禮。李徵士武。曾布衣分虎。沈秀才

山子。柯孝廉翰周。浦布衣傳功。暨門人周濤岳也。鏤版未竟。而錢葉二君相繼奄逝。可爲泫然。

詞人姓氏爵里。選家書法不一。先系爵後書名者。花間集中。州樂府體也。書字於官爵下者。絕妙詞選體也。書名者。全芳備祖體也。書字者。草堂體也。冠別字於姓名之前者。鳳林書院體也。至楊氏詞林萬選。陳氏花草粹編。或書名。或書字。或書別字。或書官。或書集。覽者茫然。莫究其世次。甚有別本。以朱三十五樵歌爲秋娘作者。良可大噱。是集考之正史。參以地志。傳紀小說。以集歸人。以字歸名。得十之八九。論世之功。

詞綜發凡

八

柯子寓匏有焉。

周布衣青士。隱於廛市。於書無所不闕。辨證古今字句音韻之譌。輒極精當。是集藉其校讎。如史梅溪綺羅香後闕。還被春潮晚急。原係六字爲句。草堂坊本脫去晚字。諸本因之。周晴川十六字令。眠。月影穿窓白。玉錢。原係眠字爲句。選本譌作明字。遂以明月影爲句。歐陽永叔越溪春結語。沉麝不燒金鴨。玲瓏月照梨花。並係六字句。坊本譌玲爲冷。瓏爲籠。遂以七字五字爲句。德祐太學生祝英臺近。那人何處。怎知道愁來不去。譌不爲又。一字之乖。全旨皆失。今悉爲改。

正。他如蘇子瞻念奴嬌則從容齋隨筆。汪彥章點絳脣則從能改齋漫錄。王晉卿燭影搖紅則從漫錄。去其前闕。李后主臨江仙則從耆舊續聞。補其結語。其餘糾定。難更僕數。坊間雖有圖譜。倚聲者宜攷質焉。四聲二十八調。各有其倫。柳屯田樂章集。有同一曲名。字數長短不齊。分入各調者。姜石帚湘月詞注云。此念奴嬌之鬲指聲也。則曲同字數同。而湘月念奴嬌調實不同。合之爲一。非矣。詞固有一曲而各異其名者。是選悉依集本。不敢更易。審音者度無勿知。似不必比而同之也。

詞綜發凡

九

張子野弔林君復詩。烟雨詞。草更青。蔡君謨寄李良定詩。多麗新詞到海邊。一篇之工。見之吟咏。山抹微雲。秦學士。露華倒影柳屯田。曉風殘月。柳三變。滴粉搓酥。左與言。一句之工。形諸口號。當日風尚所存。甄藻自爾不爽。故是集多綴宋元人評語。有明用脩元美諸家品。騰容有未當。或置不錄焉。

宣政而後。士大夫爭爲獻壽之詞。聯篇累牘。殊無意味。至魏華父則非此不作矣。是集于千百之中。止存一二。雖華甫亦置不錄也。

元人小曲。如乾荷葉天。淨沙。凭欄人。平湖樂。一名小等桃紅

調。平上去三聲並用。往往編入詞集。然按之宋詞。如戚氏。西江月。換巢鸞鳳。少年心。惜分釵。漁家傲。世集中諸闕。已爲曲韻濫觴矣。是集間有采錄。蓋倣楊氏詞林萬選之例。覽者幸勿以詞曲混一爲訕。

言情之作。易流於穢。此宋人選詞多。以雅爲目。法秀道人語。涪翁曰。作艷詞。當墮犁舌地獄。正指涪翁一等體製而言耳。填詞最雅。無過石帚。草堂詩餘。不登其隻字。見胡浩立春吉席之作。蜜殊咏桂之章。亟收卷中。可謂無目者也。甚而易靜。兵要寓聲于望江南。張用成悟真篇。按調爲西江月。詞至此。亦不幸極矣。是

詞綜發凡

十

集於黃九之作。去取特嚴。不敢曲徇後山之說。宋人編集歌詞。長者曰慢。短者曰令。初無中調。長調之目。自顧從敬編草堂詞。以臆見分之。後遂相沿。殊屬牽率。歲在癸丑。舍館京師。宣武門右。與葆澂舍人戶庭相望。予輯是書。葆澂輯詞。嘖。辨晰體製。以字數多寡爲先後。最爲精密。計一千調。編爲三十卷。比年聞更增益。予所見鳴鶴餘音。洞玄金玉集。及他抄本。曲調異同。詞嘖未經采入者。約又百餘。惜未遑郵寄。今葆澂逝矣。遺書在筥。雕刻無期。誠倚聲家之闕事也。花間體製。調卽是題。如女冠子。則詠女道士。河清神則

爲送迎神曲。虞美人則詠虞姬是也。宋人詞集大約無題。自花庵草堂增入閨情閨思四時景等題。深爲可憎。今俱準集本刪去。

明初作手。若楊孟載。高季迪。劉伯溫輩。皆溫雅芊麗。咀宮含商。李昌祺。王達。善瞿宗吉之流。亦能接武。至錢唐馬浩瀾。以詞名東南。陳言穢語。俗氣薰入骨髓。殆不可醫。周白川。夏公謹諸老。間有硬語。楊用修。王元美。則強作解事。均與樂章未諧。然三百年中。豈無合作。當遍搜文集。發其幽光。編爲二集。繼是編之後。

古今詞話一書。博訪未得。詞人瑣事。散見各家詩話及

詞綜發凡

上

傳記小說中。捃拾需時。是集未能附綴。將仿孟榮本事詩。計敏夫唐詩紀事。別爲一集。以資談柄。近吳江徐徵士。電發著詞苑叢譚一書。可云先獲我心。當讓其單行矣。

詞綜發凡

詞綜總目

秀水 朱彝尊 抄撮

休寧 汪 森 增定

嘉善 柯崇樸 編次

嘉興 周 箕 辨謄

卷一 唐詞六十八首

卷二 五代十國詞七十二首

卷三 五代十國詞七十六首

卷四 宋詞六十七首

卷五 宋詞七十首

詞綜總目

卷六 宋詞六十四首

卷七 宋詞六十二首

卷八 宋詞六十首

卷九 宋詞五十六首

卷十 宋詞六十一首

卷十一 宋詞六十四首

卷十二 宋詞六十三首

卷十三 宋詞六十八首

卷十四 宋詞六十八首

卷十五 宋詞六十六首

卷十六 宋詞六十一首

卷十七 宋詞六十首

卷十八 宋詞六十二首

卷十九 宋詞六十六首

卷二十 宋詞七十六首

卷二十一 宋詞七十首

卷二十二 宋詞五十二首

卷二十三 宋詞五十一首

卷二十四 宋詞七十首

卷二十五 宋詞五十首

詞綜總目

卷二十六 金詞六十二首

卷二十七 元詞五十三首

卷二十八 元詞五十四首

卷二十九 元詞五十二首

卷三十 元詞五十八首

補遺

卷三十一 補人詞六十九首

卷三十二 補人詞六十八首

卷三十三 補人詞六十七首

卷三十四 補詞五十七首